



DEO OPTIMO MAX.
UNI ET TRINO,
VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA.

QUOD LIBETARIIS DISPUTATIONIBUS,
*manè discutienda in Scholis Medicorum, die Jovis septimo
mensis Decembris, anno Domini M. DCC. XLVII.*

M. LUDOVICO-RENATO DESBOIS,
Doctore Medico, Præside.

An Diluentia, in morbis melancholicis, purgationi præferenda?

I.



ELANCHOLIA fatalis est gladius, quo concidunt homines ferè omnes. Non tot jugulant numerosæ febrium cohortes, quot melancholia. Hoc morbo nihil frequentius, sanatu difficilius nihil. Hic à mente oriundus sanguinem venenato inficit acido, mentem mille modis cruciaturus. Homo, quâ parte cæteris animantibus præcellit, eâ ipsâ morborum insultibus magis patet. Imò, qui vel meditando, vel in artibus ediscendis

A

vitam collocant suam, si plerumque sunt infeliciores valetudinis. Hosce omnes melancholia laute consumit. Non moror solus, aut labor improbus, afflictaeque vigiliae gignunt melancholiam. Illaque ab immodica laetitia, quis credat? & ab otiosa quiete ortum repetit. Amor vehemens, insolens cupiditas, invidia, certa sunt, aut praesentis, aut mox futurae melancholiae signa. Ab his animi affectibus sensim aut subito labascit functionum integritas. Scilicet fibrarum robur atque elaterium debilitatur. Earum oscillationes vitiantur. Motus alterni sanguinem & parcius & ignavius impellunt, attenuant, elaborant praeterlabentem: hinc omnis corrumpitur secretionum ordo. Hinc sanguis ipse, languidius actus, ultra spissatur, acoremque innumerabilium aegritudinum fontem inexhaustum contrahit. Quin imò, hic suo volatili balsamico defraudatus, ut iners limus stagnat in vasis. Mirum quot inde sobolescant symptomata, quae miseros mortales distorquent. Mens vanis imaginibus deluditur. Depascitur totum corpus omni dolorum genere excruciatum. Qui uni cogitationi semper affixus aliquando & diu sine febre delirat, is melancholicus habeatur. Morbificus humor adhuc delitescit in venis. Visceribus mox ille cohaerebit, nisi in eo depellendo quamprimum invigiles. Totis igitur viribus succum ablue noxi. Exit sponte sua succus, quantumvis sit tenax, si sat bene diluatur. Haec praefenda sunt remedia, quae tutius morbum sanant.

I I.

MORBUM hunc simplicem ne crede. Gradus ille habet inter se longè distitos. Succus aescens minimis in vasis, dum vi circuitu abripitur in majora, totam sanguinis massam aequaliter inficit. Hinc primus melancholiae gradus. Vigente causa, crescit succi depravati moles. Inspissatur ille magis & in vasis hypocondriacis necessario deponitur. Tunc morbus hypocondriacus dicitur. Proprio nomine atra bilis nuncupatur ultimus melancholiae gradus. Hic majorem ruinam minatur. Horrenda per symptomata ille se manifestat. Revera non accidit quin, in vasis hypocondriacis jam fixata compactaque morbifica materies, diu haerit. Tunc fiunt ubique obstructions, stagnans lymphæ aescit, moles ejus aggeritur, extenduntur vasa, roduntur. Hinc viscerum abdominis ingens alteratio. Vicinorum fors non beator. Respirationis organa male se habent. Per consensum obruitur caput & inquinatis spiritibus, omne genus maniae suboritur. Aegrorum alii se vitreos autumant, neque quidquam tangere audent, ne ipsi confringantur. Alii se mortuos credunt, atque ob id se omni potu ciboque interdicunt. Hi se aliquo membro carere existimant, neque ullo modo eo uti volunt. Illi se in bruta mutatos putant. Simili modo impius Nabuchodonosor olim correptus pecudum more per campos & prata pasturus aberravit. Quid non efficit tardus & aescens sanguis? Quae symptomata, si visceribus ille semel inhæserit?

I I I.

OPPUGNETUR ab initio tot morborum ferax humor. Radix mali praecidatur. Sed qua ratione id praestiteris, cave. Succus crassus atque acore imbutus durum non patitur imperium. Medicamenti vim facile eludit. Quod tenacius partibus adhærescit, eo ferocius, si cogitur, sævit. Cu-

rationem evacuantibus, vel quidem levissimis, si tentaveris, humores sani & facile mobiles soli expellentur; tenaces verò magis hærebunt. Hinc pe-
jor morbus, Stimulantia, aut valde solventia exhibe. Materies subito soluta
fiet acris, & impetu magno irruens in tenera hypocondriorum vasa, ea
destruet. Indè multa & immedicabilia mala, Alterantia quæ humores ve-
hementer exagitant, non minus afferunt damnum. In hoc morbo diluen-
tia cæteris præstant medicaminibus. Confestos sanguinis globulos dividen-
do, emolliendoque fibrarum rigiditatem, tutius illa melancholiam sana-
bunt. Melancholicorum fibræ salium aculeis indefinenter punctæ rigent, &
in spasmodum maximè propendunt. Sanguis ipse malè coheret. Pars globu-
losa fixioribus imbuta salibus arefcit, vehiculumque suum lympham ex-
primit. Lympha subtilioribus saturata, proindè partibus enutriendis inepta;
hùc illuc, per membra dolores latura divagatur. Diluentia hæc sunt quæ
lubricis volubilibus ac globulosis constant particulis. Quid aptius, quid fe-
licius rigentes fibras laxare, solutumque partium sanguinis vinculum resti-
tuere potest, quàm medicamenta, quibus tanta inest cum sanguine affinitas?

I V.

QUÆ sit diluentium cum sanguine proportio ex utriusque naturâ abun-
dè patet. Ex indole morbi, quanti sit momenti in affectibus me-
lancholicis diluentium usus, facile dignoscitur. Sanguis geminâ parte con-
stat; alterâ rubrâ, albâ alterâ. Hæc tenuis & lubrica, secretoriorum immen-
sæ tenuitatis ambages permeare apta nata est. Illa globulosa & volubilis ad-
modum. Utraque, in statu sanitatis, à sese invicem non distinguitur. Utra-
que, solidorum verberibus æqualiter subiecta, perenni circuitu volvitur. At
verò in melancholico morbo, eoque idèa tristi potissimum oborto, constrin-
guntur fibræ. His constrictis languidè & inæqualiter pulsatur sanguis. Ne-
cessariò igitur tardescit ille & spissatur, à tarditate sobolescit aciditas, quæ
noxias acquirit vires eundo. Acor cruoris globulos cogit in unum, densat,
indurat. Hi ergò ad motum fiunt inhabiles. Segregantur à lymphâ, in quâ
priùs natabant, & ex quâ suam mutuabantur volubilitatem. Ecquid, partes
sanguinis morbo dissociatas, aptius consociare valet, quàm diluentia, quo-
rum particule sunt sanguinis particulis miscendis tenuandisque tam habiles?
Rigent fibræ? Quid eas jucundius tutiusque laxabit, quàm liquidum, dulce
& salibus mergendis idoneum? Diluentia nascentes arcunt spasmodos & aco-
rem quemvis obtundunt. Hæc fluida pandendo dividunt, solidaque humec-
tando & emolliendo relaxant. Ne credas tamen, diluentium nomine, sola
intelligenda venire potulenta, Polentæ & pulmenta vim eandem obtinent;
neque minoris ea sunt virtutis, quàm decocta, succi, cremores, forbitiones,
&c. Hæc, quotquot sunt, obstructions sensim sine sensu referant, solvunt
repagula, vincunt obices, facilemque noxio humori sternunt viam ut quæ
datâ portâ ille ruat.

V.

EFFECTUS tam felices non sunt à purgantibus sperandi. Si quis pur-
gationi, in affectibus melancholicis, locus concedatur; is solum sub fi-
nem esto. Frustrâ clamitant, ejiciendus est morbosus humor. Quâ ratione

4

id fieri potest, absque purgantibus. Lenis purgatio succum vix tractabilem ad exitum quasi invitat. Hæc quem offendit humorem melancholicum amice propellit. Non irritat excretioni imparatum. His credere verbis, cœcutire est. Purgantia non agunt nisi vellicando, irritando, conquassando. Hæc ad solida pertinent. In ea igitur, vix autem in humores, purgantia vires suas exerunt. Purgatio quas sublevat partes deterit, Fœneratorum more, illa nocendo juvat. Vix aliquandò corpori, absque viscerum dispendio, prodest. In affectibus melancholicis semper ea nocet, nedùm aliquandò proficit. Quid istud, inquires? Tussiculosi, sputatores, Catharrofi sunt melancholici. Redundant ergò humores serosi purgatione solà educendi. Reverà humores serosi redundant: at verò ex eà duntaxat, quòd ii à sanguinis substantià, vi morbi, non secretionis vià exprimantur. Idcirco ægrotantem eò lædes magis, quò plus Seri eduxeris. Ut sejunctæ sanguinis genuinæ partes in unum coalescant; hoc opus, hic labor est. Unicus tamen hic esse debet medentis scopus, quoniam ab eo pendet sanitatis restitutio. Id tutò, id jucundè præstant diluentia. Salia mergendo eorum actionem coercent. Ea sui liquoris tenuitate compactos, induratosque globulos evolvunt & explicant. Hi laviores facti, suo loco moveri incipiunt, assuetumque iter denuò metiuntur. Sanitas tandem à diluentibus restituitur, à purgantibus arcetur.

Ergò Diluentia, in morbis melancholicis, purgationi præferenda.

DOMINI DOCTORES DISPUTATURI.

*M. Jacobus - Laurentius
Mauroy.*

*M. Natalis - Andreas -
Joannes - Baptista
Chesneau.*

M. Joannes Midy;

*M. Joannes - Jacobus Bel-
leste.*

*M. Michael - Philippus
Bouvard, Regia Scien-
tiarum Academia So-
cius, Professor Regius
& Scholarum Profes-
sor.*

*M. Michael - Josephus
Majault.*

*M. Jacobus - Albertus
Hazon.*

*M. Claudius - Carolus
de Jean.*

*M. Franciscus - Felicitas
Cochu.*

Proponerat Parisiis PETRUS - AUGUSTUS ADET, Parisiensis;
Saluberrimæ Facultatis Medicinæ Parisiensis Baccalaureus,
A. R. S. H. 1747, à sextâ ad meridiem.